

Աղամեանը ունի Մարաշի աւետարանից հանուած ութ խորաններ : Այդ աւետարանը պարունի հայրը Դր. Մեղքոն Աղամեանը պահ է տուել Ամերիկացի միսիոնար Քէյ Լայմըն Նէլսոնին որ 1928 թուին հայրենիք է վերադարձել եւ ապրում է Նիւ-Հէմփշայրում : Միսիոնարի ասելով, թուրքերը թալանել են իւր իրերը, դորա հետ էլ աւետարանը : Այդ ութ խորանները պ. Նազարէթին յիշատակ են մնացել հօրից :

Երբ առաջին անգամ տեսանք այդ շքեղ եւ գեղեցիկ խորանները, իսկոյն մեր մըտքով անցաւ թէ դրանք թորոս Ռոսլինի գործերը պիտի լինին, ուստի եւ իրաւունք խնդրեցինք լուսանկարել տալ եւ կաղապարներ պատրաստել այս յոգուածի համար, որ սիրալիր կերպով կատարել են պ. պ. Ովսիա Երամեան եւ ձէլալեան : Այժմ սքանչելի այդ ութ խորանների համեմատութեամբ՝ թորոս Ռոսլինի թուականով եւ տեղով յայտնի գործերի հետ, առաւել եւս հաստատուում է եւ համոզում դառնում մեր նախկին տպաւորութիւնը, թէ դրանք թորոսի գործերն են : Ընդարիտ է, կան մեծ նմանութիւնների հետ համապատասխան խորանների մէջ եւ տարբերութիւններ, բայց այդ յատուկ է թորոսի բոլոր գործերին : Նա կատարում է մի եւ նոյն մոտիւնների տեղափոխութիւն կամ մի նոր բան է աւելացնում, այսպիսով բազմապատկուցութիւն մտցնելով իւր գործերի մէջ եւ ոչ մեքենական կրկնութիւն կամ արտանկարութիւն նախկին գործերի : Անհաւանական չէ, որ այս հատակոտորները թորոսի նախորդ Յովհաննէսինը լինին, որի գործերի հետ մեծ առնչութիւն ունի թորոսը :

Որոշաններն առհասարակ զոյգ զոյգ են . այսինքն իւրաքանչիւր զոյգը իրար, գրեթէ, նման թորոսի եւ Յովհաննէսի գործերում : Այստեղ էլ տեսնում ենք նոյնը . Պատկ. 19-20, 21-22, 23-24 եւ 25-26 զոյգեր են, մեծութիւնները 26x19 սմ . : Վերցնենք առաջին զոյգը . վերին ճակատի աջ կողմի թռչունը, կտցին ձուկ բռնած, ճիշդ նոյնանում է Երուսաղէմի No. 251, 5բ.-ին : Որոշ նմանութիւն ունին եւ քառանկիւնները կողքերի վառուող մոմերի հետ : Որոշան 21-ը նոյնանում է Երուս.-ի No. 251-ին ճակատի զարդով, խորանի կողքի բուսական կամ արմաւենիկի զարդով թռչունի հետ, քառանկիւնու մէջ մեծ կամարով եւ կապերտազարդով, սիւներով եւ խոյակներով, նրանց կողքերի ծառերով եւ թռչուններով : Որոշան 22-ը ճակատի կեն-

դանութեան աղբիւրով եւ կաքաներով, սիւներով եւ կողքի ծառերով ու թռչուններով : Նոյնը նաեւ Սերաստիայի, այժմ Բալթիմորի No. 539, թերթ 6-ի հետ : Որոշան 23-ը նոյնանում է ճակատի կռուող աքաղաղներով եւ, քառանկիւնու ընդհանուր նմանութեամբ, սիւների կողքի ծառերը թռչուններով նման զոյգի միւս խորանին, պատկ. 24-ի քառանկիւնու մէջ երկու մօրուքաւոր դէմքերը նոյն Երուս.-ի No. 251-ի հետ, ինչպէս ճակատի երկու աքլորները անօթով : Պատկ. 25-26 խոյակներով նման, 26-ը ջայլամով եւ սիրամարդով, քառանկիւնու շրջանակի կապերտազարդով :

Այժմ համեմատենք Երուս.-ի No. 1956-ի հետ, որ թորոսի գործն է 1265 թուից : Պատկ. 19-20 սիւններով եւ կողքերի թռչուններով, մի աշտանակով թռչունի հետ : Պատկ. 21-22 ճակատի զարդով, քառանկիւնու մեծ կամարով եւ կապերտազարդով, ջուր խմող կաքաներով (Պատկ. 22) աղբիւրի հետ, քառանկիւնու կողքի արմաւենիկի տերեւով վերան թռչուն : Նոյն աղբիւրը նաեւ Սերաստիայի աւետարանի մէջ, թերթ 6 : Պատկ. 23-24 ճակատի կռուող եւ իրար դէմ կեցած աքաղաղներով անօթների երկու կողմից, խորանի քառանկիւնու ձեւակերպութեամբ, սիւներով, 24-ի նմանութիւնը Պատկ. 10-ի հետ ակներեւ է, ընթերցողը ինքը կարող է տեսնել պատկերների համեմատութեամբ : Նոյն նմանութիւնը այս պատկերի Սերաստիոյ այժմ Բալթիմորի No. 539-ի թերթ 8-ի հետ . (Պատկ. 5) 26-27-ի նմանութիւնները ճակատի թռչունների, սիւների եւ կողքի ծառերի վերայ եղած թռչուններով :

Նման յարաբերութիւն տեսնում ենք նաեւ Երուս.-ի No. 251-ի հետ, որից Պատկ. 4, համեմատել պէտք է մեր հատակոտորի (Fragment) Պատկ. 22-ի հետ, իսկ 23-ը Սերաստիայի կամ Բալթիմորի աւետարանի հետ : Այսչափս բաւական համարենք, մեր վերեւ արտայայտած միտքը հաստատելու համար :

Մեր ցուցադրած եւ համեմատութեան ենթարկած պատկերները մեծազոյն մասով խորաններ են, որ ընթերցողներից շատերին անհասկանալի են իրենց բուսական եւ կենդանական զարդարանքներով : Դրանք միայն դեկորատիւ զարդարանքներ են, թէ որ եւ է իմաստ ունին : Անը՞նչտ, այդ արտաքին հանգամանքն անտեսուած չէ, բայց դորանից